

Glassriver ehf.
Borgartúni 24
105 Reykjavík

Reykjavík, 16. apríl 2021
UST202103-435/Þ.V.B.
09.06.01

Efni: Umsókn um leyfi til kvikmyndatöku, drónaflugs og aksturs utan vega-Dyrhólaey

Umhverfisstofnun hefur móttækið umsókn Glassriver ehf., dagsett 26. mars 2021, um leyfi til kvikmyndatöku og drónaflugs í Dyrhólaey. Viðbótargögn og tilkynningar um breytingar bárust á meðferðartíma umsóknar.

Dyrhólaey er friðlýst sem friðland sbr. auglýsing nr. 101/1978. Óheimilt er að skaða eða trufla dýralíf á svæðinu. Mannvirkjagerð og jarðrask er óheimilt nema með leyfi Umhverfisstofnunar.

Samkvæmt 1. mgr. 31. gr. laga nr. 60/2013 um náttúruvernd er óheimilt að aka vélknúnum ökutækjum utan vega. Umhverfisstofnun er heimilt, ef nauðsyn krefur, að veita leyfi til þess að aka vélknúnum ökutækjum utan vega vegna kvikmyndagerðar, ef ekki er unnt að vinna viðkomandi störf á annan hátt, sbr. 3. ml. 2. mgr. 31. gr. laga nr. 60/2013, um náttúruvernd.

Lýsing verkefnis:

Óskað er eftir leyfi til kvikmyndatöku á tveimur svæðum í og við Dyrhólaey á tveimur tímabilum. Fyrri tókurnar fara fram á Háey í Dyrhólaey 16.-17. apríl 2021. Áætlað er að undirbúningur á svæðinu fyrir kvikmyndatökurnar taki 2 daga. Óskað er eftir leyfi til að fjarlægja girðingar sem eru á svæðinu. Öryggiskeðjur yrðu ekki fjarlægðar. Tökur fara fram að hluta til utan stíga og er óskað eftir því að fá að fara út fyrir öryggiskeðjuna á einum stað. Staðsetning er sýnd á korti sem fylgdi umsókn. Í tengslum við tókurnar er óskað eftir því að fá að keyra tvo bíla að vitanum þar sem þeir yrðu hluti af leikmynd auk tveggja bifreiða sem myndu flytja tókubúnað. Ferðasalerni fyrir tókuliðið yrði staðsett á bílastæði við Háey. Seinni tökur færu fram á sandinum vestan við Dyrhólaey 17.-18. maí 2021. Óskað er eftir að fá að keyra 7 bifreiðar eftir slóða sem liggur í fjöruna og leggja við hann. Staðsetning bílastæðis er sýnd á korti sem fylgdi umsókn. Drónaflug færi fram bæði í apríl og maí. Kort sem sýnir það svæði sem óskað er eftir að fljúga yfir bæði í apríl og maí og nánari útlistun á fluginu fylgdi með umsókn.

Áhrifamat:

Umhverfisstofnun metur verkefnið líklegt til að hafa neikvæð áhrif á náttúrufar svæðisins. Stofnunin metur að sé farið eftir þeim skilyrðum sem sett séu fyrir leyfi þessu sé hægt að draga úr neikvæðum áhrifum verkefnisins.

Niðurstaða:

Umhverfisstofnun **synjar** umsókn Glassriver ehf. um leyfi til notkunar dróna í friðlandinu 17.-18. maí 2021 en veitir fyrir sitt leiti leyfi fyrir kvikmyndatökum og akstri utan vega á tímabilinu sbr. lýsingu hér að ofan. Stofnunin veitir jafnframt fyrir sitt leiti leyfi fyrir kvikmyndatöku og drónaflugi friðlandsins Dyrhólaey sbr. lýsingu hér að ofan 16.-17. apríl 2021 að uppfylltum eftirfarandi skilyrðum:

- Hafa skal þetta bréf með í för á meðan verkefninu stendur og kynna fyrir starfsfólki þau skilyrði sem fylgja leyfinu, áður en undirbúningur og vinna hefst.
- Tilkynna skal til starfsmanns Umhverfisstofnunar á svæðinu hvenær undirbúningur fyrir verkefnið hefst og þegar því lýkur.
- Umhverfisstofnun skal tilkynnt um öll frávik við áður útgefna verkefnalýsingu, og eins ef breyting verður á tímasetningu verkefnis eins fljótt og auðið er.
- Þar sem þörf er á að fara út fyrir göngustíga/vegi skal þess gætt að valda sem minnstu raski og fjarlægja öll ummerki um athafnir utan göngustíga/vega að verkefni loknu.
- Athuga skal ástand jarðvegs áður en farið er út fyrir göngustíga hvort hann þoli ágang og ef hann er vatnssósa skal tökulið halda sig á stígum.
- Þar sem farið er út fyrir öryggisgirðingu skal gæta varúðar að raska ekki lundaholum sem þar eru staðsettar.
- Virða skal umgengnisreglur sem gilda um svæðið.
- Ef upp koma álitamál um framkvæmdir sem tengjast verkefninu og frágang svæðisins skal hafa samband við Umhverfisstofnun í síma 591-2000.
- Afmá skal öll ummerki verkefnisins á svæðinu að því loknu.
- Endurreisa skal girðingar sem teknar verða niður um leið og tókum er lokið.
- Kvikmyndatökuliðið skal sýna öðrum gestum svæðisins tillitssemi og tryggja að tókurnar valdi eins litlu ónæði og hægt er.
- Ef myndefnið er ætlað til birtingar opinberlega skal það tekið fram í myndbandinu/myndatexta að leyfi Umhverfisstofnunar hafi fengist fyrir kvikmyndatökunni innan hins friðlýsta svæðis.
- Óheimilt er að trufla dýralíf.
- Starfsmenn verkefnisins gangi snyrtilega um svæðið og forðist allt rask og þess gætt að allur úrgangur verði fjarlægður.
- Losun ferðasalerna skal fara fram á viðurkenndum losunarstað utan hins friðlýsta svæðis.

Akstur bifreiða

- Einungis skal aka bifreiðum að vitanum eftir stíg sem fyrir er á svæðinu. Óheimilt er að leggja bifreiðum á graslendi við vitann.
- Gæta skal að mengunarvörnum farartækja og þess gætt að mengandi vökvi berist ekki í jarðveg/vatn.
- Þess skal gætt við akstur bifreiða að vitanum og niður í fjöruna að hann fari fram á tímum þar sem hann veldur sem minnstu raski á stígum, slóðum, jarðvegi og gróðri.
- Allur akstur utan vega annar en sá sem tilgreindur er í umsókn umsækjanda er bannaður.
- Fjarlægja skal öll ummerki um akstur utan vega að verkefni loknu.

Drónaflug

- Aldrei skal að fljúga ómönnuðu loftfari í nágrenni og yfir fólki og forðast skal að trufla friðsæld svæðisins og upplifun gesta, öryggi þeirra og persónuvernd eins og hægt er.
- Aldrei skal fljúga ómönnuðu loftfari nálægt dýrum eða fuglum, hvorki nálægt hreiðrum né á varptíma eða á þeim tíma sem telst viðkvæmur fyrir dýr og fugla.
- Flugtíma skal haldið í lágmarki og það skal fara fram utan þess tíma sem flestir gestir eru á svæðinu.
- Ef drónaflugið hefur truflandi áhrif á fugla- og/eða dýralífið skal því hætt samstundis.
- Stjórnandi/eigandi hins ómannaða loftfars ber ábyrgð á loftfarinu á svæðinu, að það skaði ekki fólk, dýralíf, eða náttúruna og það skilji ekki eftir sig varanleg ummerki á neinn hátt. Ekki skal skilja eftir hluta loftfarsins á svæðinu heldur finna og endurheimta loftfarið og alla hluta þess ef það brotlendir eða bilar.
- Af öryggisástæðum skal sá sem stjórnar ómönnuðu loftfari klæðast merktum fatnaði svo hægt sé að auðkenna viðkomandi.
- Óheimilt er að fljúga innan 200 metra fjarlægðar frá fuglabjörgum á varptíma. Utan varptíma er óheimilt að fljúga nær fuglabjörgum en 50 metra ef fugl er í bjarginu.

Ef framkvæmdaraðili veldur náttúruspjöllum með framkvæmd í skilningi 87. gr. laga nr. 60/2013 um náttúruvernd getur Umhverfisstofnun t.d. lagt fyrir framkvæmdaraðila að afmá jarðrask og lagfæra gróðurskemmdir eða stöðvað framkvæmdir sbr. nánar XV. kafla laganna.

Ef umhverfisaðstæður á svæðinu breytast getur Umhverfisstofnun skv. 2. mgr. 89. gr. laga nr. 60/2013 um náttúruvernd breytt skilyrðum leyfis, bætt inn nýjum skilyrðum eða afturkallað leyfið til að koma í veg fyrir verulegt, ófyrirséð tjón á náttúru Íslands.

Leyfi landeigenda þarf fyrir verkefninu.

Umhverfisstofnun bendir á að pláss á bílastæðinu á Háey er takmarkað og mælst til þess að ekki séu fleiri bílar þar staðsettir en þörf er á vegna verkefnisins. Nægt pláss er á bílastæðinu á Lágey.

Umhverfisstofnun mælist til þess að taka skuli á loft og lenda ómönnuðu loftfari í öruggri fjarlægð frá gestum svæðisins skv. reglugerð um ómönnuð loftför nr. 990/2017

Að öðru leyti skal haga flugi ómannaðra loftfari í samræmi við reglugerð nr. 990/2017, um starfrækslu fjarstýrðra loftfara.

Umhverfisstofnun bendir á að dróna sem notaðir eru í atvinnuskyni þarf að skrá sérstaklega hjá Samgöngustofu.

Sé skilyrðum leyfis ekki fullnægt getur Umhverfisstofnun afturkallað leyfið skv. 1. mgr. 89. gr. laga nr. 60/2013 um náttúruvernd.

Ákvörðunin er kæránleg til umhverfis og auðlindaráðuneytisins skv. 26. gr. stjórnsýslulaga nr. 37/1993, sbr. 2. mgr. 91. gr. náttúruverndarlaga nr. 60/2013 innan þriggja mánaða frá dagsetningu þessa bréfs.

Leyfisgjald:

Umhverfisstofnun mun innheimta gjald fyrir vinnslu og afgreiðslu umsóknar um leyfi á friðlýstum svæðum sbr. 1. mgr. 92. gr. laga nr. 60/2013 um náttúruvernd. Gjald fyrir umsókn um kvikmyndagerð og/eða ljósmyndatöku er kr. 52.600.- sbr. 24. gr. b. gjaldskrá Umhverfisstofnunar nr. 535/2015.

Eftirlit:

Umhverfisstofnun mun hafa eftirlit með framkvæmdum og frágangi á svæðinu. Eftirlitið verður framkvæmt af eftirlitsmanni frá Umhverfisstofnun.

Virðingarfyllt

Hildur Vésteinsdóttir
sviðsstjóri

Magnús Freyr Sigurkarlsson
sérfræðingur